



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-032-4/26**

Datum: **02.04.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica Mesna industrija «SEMKO» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda u prirodni recipijent sa lokaliteta poslovnog objekta namijenjenog za preradu mesa i proizvodnju mesnih proizvoda u naselju Goruša - MZ Gračanica, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, Mesna industrija «SEMKO» d.o.o. Visoko daje se vodna dozvola za ispuštanje tehnoloških otpadnih voda i oborinskih onečišćenih voda u prirodni recipijent sa lokaliteta poslovnog objekta namijenjenog za preradu mesa i proizvodnju mesnih proizvoda, izgrađenog u naselju Goruša – MZ Gračanica na zemljištu označenom kao k.č. broj: 54 i 55 K.O. Gračanica, grad Visoko.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
 - 2.1. Da se izgrađeni poslovni objekat lociran u naselju Goruša – MZ Gračanica, grad Visoko održava u funkcionalnom stanju i koristi u skladu sa namjenom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se tehnološke otpadne vode nastale u postupku prerade mesa, pranjem instalirane opreme, uređaja i alata, pranjem podova i radnih površina nesmetano sakupljaju i odvođe na tretman u separator masti sa integrisanim taložnikom a potom u biološki prečistač sa aktivnim muljem. Prečišćene vode se preko okna za monitoring ispuštaju u rijeku Gorušicu.
 - 2.3. Prečišćene tehnološke otpadne vode prije ispuštanja u recipijent moraju ostati u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Da se za vrijeme trajanja ove dozvole obezbijedi da se oborinske onečišćene vode sa platoa, parking i manipulativnih površina nesmetano sakupljaju sistemom slivnika i kanalizacione mreže i odvođe do tipskog separatora ulja i masti. Krajnji ispuštanje prečišćenih voda je preko okna za monitoring u rijeku Gorušicu.
 - 2.5. Prečišćene oborinske onečišćene vode prije ispuštanja u recipijent, moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije.
 - 2.6. Objekte koji se koriste u svrhu prikupljanja, odvodnje i tretmana tehnoloških i ostalih otpadnih voda nastalih na lokalitetu objekta (kanalizaciona mreža, slivničke rešetke, separatori masti i ulja, biološki prečistač...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.7. Čišćenje i održavanje separatora ulja i masti i biološkog prečistača može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz postrojenja kao i o preuzimanju animalnog i ostalog otpada.
 - 2.8. U skladu sa propisima iz oblasti zaštite okoliša, vršiti bezbjedno i redovno skupljanje čvrstog opasnog i neopasnog otpada sa kompletnog kruga objekta, isti propisno skladištiti do njegovog konačnog zbrinjavanja od strane ovlaštene organizacije.

- 2.9. Prakticirati suho čišćenje podova i opreme prije pranja vodom kako bi se uklonile organske nečistoće sa radnih površina, smanjila potrošnja vode za pranje i smanjilo zagađenje.
 - 2.10. Sadržaj (mulj) iz separatora ulja i masti i biološkog prečistača, otpad nastao u postupku prerade mesa kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotok i na njegove obale.
 - 2.11. Vlasnik, odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz oba okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.12. Vlasnik, odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, Mesna industrija «SEMKO» d.o.o. Visoko dana 02.02.2026. godine podnesen je ovoj Agenciji zahtjev za donošenje rješenja o vodnoj dozvoli za ispuštanje tehnoloških otpadnih i oborinskih onečišćenih voda u prirodni recipijent sa lokaliteta poslovnog objekta namijenjenog za preradu mesa i proizvodnju mesnih proizvoda izgrađenog u naselju Goruša – MZ Gračanica, na zemljištu označenom kao k.č. broj: 54 i 55 K.O. Gračanica, grad Visoko.
U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-25-004164 izdatog dana 24.12.2025. godine od strane Općinskog suda u Zenici,
- Ovjereni kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-4542-2/15 izdatog dana 23.07.2015. godine od strane Uprave za indirektno-neizravno oporezivanje Banja Luka,
- Ovjereni kopija Uvjerjenja o poreznoj registraciji izdatog dana 24.08.2015. godine od strane Porezne uprave Federacije BiH – Kantonalni porezni ured Zenica,
- Ovjereni kopija Rješenja o vodnoj dozvoli broj: UP-I/25-3-40-019-4/21 izdatog dana 03.03.2021. godine od strane «Agencije za vodno područje rijeke Save» Sarajevo,
- Ovjereni kopija Rješenja o upotrebi građevine broj: 12-23-08071/14 izdatog dana 05.01.2015. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjereni kopija Mišljenja o potrebi pribavljanja okolinske dozvole broj: 12-23-1718-1/17 izdatog dana 14.10.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Idejni projekat za dobijanje vodne saglasnosti objekta za preradu mesa «SEMKO» Gračanica, Visoko urađen od strane «Energoinvest» d.d. Sarajevo, januar 2012. godine – na uvid,
- Kopija atestno tehničke dokumentacije za ugrađene uređaje za tretman otpadnih voda,
- Kopija Ugovora o čišćenju separatora i odvozu otpadnog mulja i taloga iz separatora zaključenog dana 09.01.2022. godine između Mesna industrija «SEMKO» d.o.o. Visoko i «DELTA PETROL» d.o.o. Kakanj (prilog: kopije radnih naloga broj: 06-0725 od 21.07.2025. godine i broj: 03-10-25 od 15.10.2025. godine; faktura broj: 002457-1 od 21.07.2025. godine i broj: 003567-1 od 16.10.2025. godine),
- Kopija Izvještaja o monitoringu kvaliteta i kvantiteta otpadnih voda Mesne industrije «SEMKO» d.o.o. Visoko broj: 2389/25, decembar 2025. godine urađen od strane «Inspekt-RGH» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u naselju Goruša - MZ Gračanica, grad Visoko i tom prilikom je sačinjen Zapisnik o uviđaju broj: UP-1/21-3-40-032-3/26 od 25.03.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni poslovni objekat (spratnosti P+1) namjene prerada mesa i proizvodnja suhomesnatih, polutrajnih, barenih i oblikovanih proizvoda od usitnjenog mesa izgrađen je u naselju Goruša - MZ Gračanica, grad Visoko. U prizemlju objekta smještene su prostorije za prijem sirovina, komore za hlađenje i zamrzavanje, prostorije za pripremu, oblikovanje i varenje proizvoda, pušnice, komore za poluproizvode, prostorija za pakovanje proizvoda, komora za gotove proizvode, sanitarije i kotlovnica. Na spratu objekta smještena je uprava firme sa pripadajućim prostorijama (kancelarije, prostorija za veterinaru, toaleti, garderobe i restoran za oko 30 uposlenih).

Kao sirovina za preradu koristi se smrznuto meso. Kapacitet proizvodnje je 3 t/dan gotovih proizvoda (suhomesnati proizvodi – pečenica, trajne kobasice – sudžuk i kulen, polutrajne kobasice - goveđi i pileći program, barene kobasice - hrenovke, kobasice za roštilj, proizvodi od usitnjenog mesa – čevapi i pljeskavice. Za predmetni objekat ranije je od strane Agencije doneseno Rješenje o vodnoj dozvoli broj: UP-I/25-3-40-019-4/21 od 03.03.2021. godine sa određenim uslovima.

Snabdijevanje vodom za tehnološke, sanitarne potrebe i hidrantsku mrežu riješeno je putem priključka na gradsku vodovodnu mrežu kojom upravlja JKP «Visoko» d.o.o. Visoko.

Tehnološke otpadne vode nastale u procesu prerade mesa, pranjem i sterilizacijom instalirane opreme, uređaja i alata, mašina za pripremu nadjeva, pranjem podova i radnih površina prikupljaju se zasebnim kanalizacionim sistemom i odvođe na tretman u separator organskih masnoća sa integrisanim taložnikom (kapaciteta 7 l/s) a potom u biološki prečistač sa aktivnim muljem (proizvođač «INTERPLAN» d.o.o. Karlovac, Hrvatska). Krajnji ispušt prečišćenih voda je, preko okna za monitoring, u rijeku Gorušicu.

Na tretman u biološki prečistač se odvođe i sanitarno-fekalne otpadne vode nastale u sanitarnom čvoru za uposlene prikupljene zasebnim kanalizacionim sistemom.

Oborinske onečišćene vode sa platoa i manipulativnih površina se prikupljaju zasebnim kanalizacionim sistemom te putem slivnika i slivničkih rešetki odvođe na tretman u tipski separator masti i ulja sa krajnjim ispuštom prečišćenih voda, preko okna za monitoring, u rijeku Gorušicu.

Čišćenje postrojenja za tretman otpadnih voda vrši se prema Ugovoru od strane firme «DELTA PETROL» d.o.o. Kakanj (priložene kopije radnih naloga za juli i oktobar).

Monitoring otpadnih voda se radi redovno na dva mjerna mjesta. Uz zahtjev je dostavljen Izvještaj o ispitivanju kvaliteta otpadnih voda za decembar 2025. godine urađen od strane «Inspekt RGH» d.o.o. Sarajevo. Ispitivani parametri na oba mjerna mjesta zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatovano je da je podnosilac zahtjeva, Mesna industrija «SEMKO» d.o.o. Visoko, ispunila minimum uslova za donošenje rješenja o vodnoj dozvoli za ispuštanje tehnoloških otpadnih i oborinskih onečišćenih voda u prirodni recipijent sa lokaliteta poslovnog objekta namijenjenog za preradu mesa i proizvodnju mesnih proizvoda u naselju Goruša, grad Visoko, te je riješeno kao u dispozitivu ovog rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog rješenja.

Uplaćeni su i posebni troškovi prema Zaključku ove Agencije broj: UP-1/21-3-40-032-2/26 od 16.03.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

- Mesna industrija «SEMKO» d.o.o. Visoko
Goruša bb, 71300 Visoko
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava